

Dörfligeischer 2011

Är nimmt ne i Arm u drückt ne fescht a sich u lot ne fasch nümme' los,
Si nöi Traktor für i ds grosse Moos u dä cheib isch huere gross,
Jetz fählt ihm nume no e rächti Frou, jo das wär famos,
Si letschi Hoffnig isch jetz no via Fernseh eini z' bercho,
Ewigi Liebi, die lot ne chlei im Stich, ewigi Liebi das wüschd är sich,
Ewigi Liebi isch's wo n'är jetz no brucht - ewigi Liebi, bi "Bauer ledig sucht..." !

Dr Hansjakobli u ds Babettli hocke ufem Taburettli,
Do meint uf z'mou ds Babettli zum Hansjakobli : "Du jetz wett i..."
Dr Hansjakobli macht kein Wank, rüschd übere zum Ofebank,
Druf abe futteret ds Babettli: "De choch' i haut sälber Spaghetti !"

Stöckli-Hans jetz isch halt aues scho verby,
Du wirsch nümme so viu i de Medie sy,
Jetz isch's de Bieler glunge, si hei e Nachfolger gfunge,
Äs isch der Erich Fehr - vingt ans après son père,
Liebe Erich, mir gä Dir e Typ für Dini Karriere mit :
Wenn Di einisch Sorge plooge, tuesch eifach der Papi frooge !

Vo Buschang uf Brügg, do gits zwöi Tunäu,
We me ine chunnt wird's dunku, we me usehunnt wird's häu,
Ds erschte Loch isch dürbroche, jetz chunnt ds zwöite dra,
Bis si wüsse wie wyter, chas no hundert Johr ga !

J'ai reçu un paquet, j'appelais des policiers,
Hollari, hollari, hollaro,
Je n'ai pas remarqué qui m'envoyait ce petit paquet,
Hollari, hollari, hollaro,
C'était un journal illustré, qui m'envoyait ce prix mérité,
J'ai cru à un lapsus, du coup j'ai reçu un cactus,
J'ai reçu un cactus, j'ai cru que c'était un lapsus !
Hollari, hollari, hollarooo...

**Chöme si oder chöme si nid,
Chöme si vilicht oder würklech nid,
Chöme si no haub oder gar nie meh,
Wärde mir se überhaupt Mou gseh ?
Mir frooge üs, wie lang das no wird go
Bis die "Stades de Bienne" z' Buschang tüe stoh !**

**Mi Name isch nid Heiri oder Hasso, das passt nid für ne Star,
Und i fo niemer mit em Lasso, das isch ou sunneklar,
Schaffe tue n'i bir Polizei u bi im Basubiet dehei,
Am liebschte biis i am Morge früh im Beaumont eine i ds Bei !**

**Ir Altstadt git's e Stäge, die macht kei grosse Sinn,
U wäg der Stäge im Ring Gä si enang ufe Gring,
Das Gschtürm mit Behörde, Bewohner und Altstadt-Leischt,
Geit üs langsam aber sicher schampar ufe Geischt,
Drum hei mir e Vorschlag: tüet jetz nümm witer lyre,
Tüet dä Platz planiere u mit üser Plaggette verziere !**

**Gäng meh fahre mit der SBB, troztdäm tüe d' Priise styge,
Trotz renoviertem Bahnhof Biel, seicht's öppedie no yne,
Derzue chunnt no es Perrondach, wo fasch zämebricht,
Die SBB sy us üser Sicht eifach nümm ganz dicht !**
